


KANTONALNA
PRIVREDNA
KOMORA TUZLA,
BROJ 5 i 6/14
maj/juni 2014. godine



KOMORSKI INFORMATOR



**KOMORA POZVALA
PRIVREDNIKE NA
PROCJENU ŠTETA**



**SJEDNICE UO I
SKUPŠTINE KOMORE**



**RASPRAVA O NACRTU
ZAKONA O PRIVREDNIM
DRUŠTVIMA**



**SUSRETI PRIVREDNIKA
TUZLANSKOG KANTONA I
KRALJEVA**

**KANTONALNA
PRIVREDNA
KOMORA TUZLA,
BROJ 5 i 6/14
maj/juni 2014. godine**

**KANTONALNA
PRIVREDNA
KOMORA TUZLA**

Izdavački savjet:

1. Nedret Kikanović, predsjednik
2. Mirsad Kukić, član
3. Bajazit Jašarević, član
4. Suad Selimović, član
5. Nurdin Žunić, član

Redakcijski kolegij:

1. Nedret Kikanović, član
2. Esad Arnautović, član
3. Nurudin Žunić, član
4. Suad Selimović, član

Izdavač:

Kantonalna privredna
komora Tuzla

Gl i odgovorni urednik:

Dino Kalesić, dipl. žurnalista

**Tehnička priprema, repro i
štampa**

C.P.A. Tojšići- Kalesija

Za štampariju:

Vildan Uščuplić-generalni direktor

Tiraž:

500 primjeraka,

Adresa:

Trg slobode bb
e-mail:komora@kpkt.ba
http://www.kpktz.ba

Ministarstvo obrazovanja, nauke, kulture i sporta na osnovu Člana 19. tačka 13. stav 2. Zakona o porezu na promet proizvoda i usluga ("Sl. novine Federacije Bosne i Hercegovine", broj: 6/95 i 25/97), rješavajući o zahtjevu Kantonalne privredne komore Tuzla broj: 10/15-4481/99. od 30.04.1999. godine, dalo je mišljenje o oslobađanju poreza na promet glasila "Komorski informator".

S A D R Ž A J:



KOMORA POZVALA PRIVREDNIKE NA PROCJENU ŠTETE	3
SJEDNICE UO I SKUPŠTINE KOMORE	4
RASPRAVA O NACRTU ZAKONA O PRIVREDNIM DRUŠTVIMA	5
"OMEGA MJESEC POMAGANJA"	6
FORMIRANO NOVO KOMORSKO UDRUŽENJE	7
PROBLEMI U RADU PRIJEVOZNIČKIH FIRMI	8
ANALIZIRNA PROBLEMATIKA U TRGOVINI I TURIZMU	9
NEOPHODNA IZMJENA ZAKONA O PORODILJSKOM BOLOVANJU	10
USAVRŠAVANJE ZA ČLANOVE NADZORNIH ODBORA I UPRAVA	11
SUSRETI PRIVREDNIKA TUZLANSKOG KANTONA I KRALJEVA	12 i 13
SAJAMSKE AKTIVNOSTI	14,15 i 16
VIJESTI IZ FIRMI ČLANICA KOMORE	17,18 i 19
NOVO IZ BHTELECOMA - "MOJATV BIZ"	22 i 23



Poplave u BiH...

KOMORA POZVALA PRIVREDNIKE NA PROCJENU ŠTETA

- Prikupljen priličan broj prijava – U privreda TK poplave načinile velike štete – Podaci nisu konačni – Još se vrše procjene –



Elementarne nepogode koje su pogodile Bosnu i Hercegovinu prčinile su velike štete. Poplave i klizišta su pogodile brojne privredne subjekte a štete će se još dug zbrajati i procjenjivati. Kako bi se odmah ukazalo na neophodnost izvršenja procjene štete u privredi Tuzlanskog kantona, menadžment Kantonalne privredne komore Tuzla je odlučio objaviti poziv privrednim subjektima u ovom kantonu da prijave nastalu štetu i na taj način olakšaju nadležnima u Bosni i Hercegovini, da blagovremeno preuzmu odgovarajuće mjera za sanacije naštalih šteta. **“Do sada je, dakle do sredine juna, prijavljeno oko 144 miliona maraka štete u 78 preduzeća. Naravno, ove cifre nisu konačne. Oko 30 procenata privrede Tuzlanskog kantona pogođeno elementarnim nepogodama. Najviše štete prijavljeno je u Tuzli, Gračanici i Lukavcu. Direktna materijalna šteta iznosi 83 miliona KM, dok je 61 milion KM indirektna šteta (izgubljeni prihod zbog prekida rada izazvan nastankom prirodne ili druge nesreće). Najviše su pogođeni rudnici Kreka sa štetom od oko 70.000.000 KM, od čega je 40.000.000 direktne materijalne štete. Ovo je samo manji dio šteta, jer još nije prijavljena šteta u velikim sistemima, u svim rudnicima, Termoelektrani, Cementari, Solani, koje će se mjeriti desecima miliona KM pojedinačno. Također, poljoprivrednici su tek počeli slati procjene a mi i dalje prikupljamo podatke iz privrednih subjekata sa područja našeg kantona”**, istakao je Nedret Kikanović predsjednik Kantonalne privredne komore Tuzla. Kako je istaknuto, najveća šteta je u ZD Rudnici Kreka, čiji je PK Šikulje potopljen sa *28 miliona kubika vode*, a dnevno su proizvodili blizu 3.000 tona uglja koji je isporučivan Termoelektrani Tuzla. Procjenjena šteta je oko 70 miliona KM što je polovina od ukupne do sada prijavljene štete u privredi TK. Posmatrajući po općinama, najviše

su stradale općine Lukavac i Gračanica, u kojima je industrijska zona kao i poljoprivredna zemljišta smješteni u neposrednoj blizini rijeke Spreče. **„Najvažniji zadatak u ovom trenutku mora biti očuvanje radnih mjesta. Tuzlanski kanton sa oko pola miliona stanovnika, prije elementarne nesreće je imao oko 80.000 zaposlenih osoba i oko 100.000 nezaposlenih. Moraju se poduzeti sve moguće mjere, učiniti maksimalni naponi, da se ova radna mjesta očuvaju. Ionako imamo previsoke doprinose po uposleniku kao i čitav niz drugih opterećenja, a sa smanjenim obimom proizvodnje privrednici neće biti u stanju zadržati radnike. Vlasti bi trebale učiniti sve da u narednom periodu što je više moguće rasterete privredu. Smanjenje doprinosa, privremena odgoda plaćanja, reprogram kredita i povoljna kreditna sredstva, prije svega kod Razvojne banke, olakšali bi privrednicima oporavak i nastavak proizvodnje, što bi sačuvalo radna mjesta. Također, vlada u procesu obnove može dati prioritet domaćim firmama, što bi donekle pokrenulo privredu”**, zaključio je predsjednik Kikanović. Potpuno je izvjesno da će nakon ovih nepogoda koje su nas zadesile, biti određenih firmia koje se neće moći oporaviti. Nekima će za oporavak i za ponovno pokretanje rada i proizvodnje trebati i više od godine. Sve to direktno dovodi do otpuštanja



radnika. Nedavno je, sasvim opravdano, odjeknula vijest da je jedna firma iz Lukavca otpustila 150 radnika, a što čini polovicu uposlenih. Rudnik Šikulje je poplavljen i ne zna se kad će ponovo biti stavljen u pogon, a 1.500 radnika trenutno je na čekanju. Preliminarne štete na području TK-a procjenjuju se na 520 miliona KM, od toga deseci miliona otpadaju upravo na privredu.

D.K.

Zasjedao UO Komore

ODRŽANA XXII REDOVNA SJEDNICA

Usvojeni Izvještaji za 2013. godinu –



Upravni odbor Kantonalne privredne komore Tuzla, održao je XXII redovnu sjednicu. Nakon što su, uz određene korekcije, usvojeni Izvod iz zapisnika sa XXI sjednice Upravnog odbora Kantonalne privredne komore Tuzla i Izvod iz zapisnika sa tematske sjednice koju je Komora organizovala sa predstavnicima novoformirane Vlade Tuzlanskog kantona, članovi ovog komorskog tijela su razmatrali rad Komore u prošloj godini. Nakon analiza Izvještaja o radu, Izvještaja o rezultatima finansijsko-

materijalnog poslovanja, Izvještaja Nadzornog odbora o uvidu u Finansijski izvještaj, članovi su uz određene zaključke, dopune i prijedloge, jednoglasno usvojili ove dokumente uz ocjenu da se, sukladno težini situacije u državi, aktuelnom privrednom okruženju, može reći da je ova institucija pozitivno i dobro poslovala sa značajnim brojem aktivnosti u prošloj godini. Članovima Upravnog odbora je prezentirana najnovija Informacija o privrednim kretanjima u Tuzlanskom kantonu za period I–III 2014. godine nakon čega je razmatran i usvojen Prijedlog Odluke o raspisivanju izbora za organe i članove organa u Kantonalnoj privrednoj komori Tuzla u periodu od narednih 120 dana.

Izabran novi predsjednik Skupštine

ENVER OMAZIĆ, PREDSJEDNIK SKUPŠTINE KOMORE

- Održana IX redovna sjednica Skupštine Komore –



Enver Omazić, direktor ZD "Kreka" Tuzla, novi je predsjednik Skupštine Kantonalne privredne komore Tuzla. Odlučeno je to jednoglasno na IX redovnoj sjednici članova ovog komorskog tijela. Pored toga, Skupštine je kao i ranije Upravni odbor Komore, nakon analiza, usvojila Izvještaj o radu, Izvještaj o rezultatima finansijsko-materijalnog poslovanja, Izvještaj Nadzornog odbora o uvidu u Finansijski izvještaj. Članovima Upravnog odbora je prezentirana najnovija Informacija o privrednim kretanjima u Tuzlanskom kantonu za period I–III 2014. godine nakon čega je razmatran i usvojen

Prijedlog Odluke o raspisivanju izbora za organe i članove organa u Kantonalnoj privrednoj komori Tuzla u periodu od narednih 120 dana, uz zaključak da se prethodno obavi javna rasprava i provede potrebna porcedura a u vezu usklađenja sa zakonskim odredbama, Statuta Kantonalne privredne komore Tuzla. U Komisiju za izbor i imenovanje Kantonalne privredne komore Tuzla koja broji tri člana, umjesto Miralema Nuhanovića koji je imenovan ministrom za finansije u Vladi Tuzlanskog kantona, izabran je Adnan Imerović iz firm "Grin" Gračanica. Na ovoj sjednici je podnesen i izvještaj o, do sada, prikupljenim informacijama o šteti u privrednim društvima na području Tuzlanskog kantona, uzrokovanoj elementarnom nepogodom.

D.K



Održana Javna rasprava u Komori...

RASPRAVA O NACRTU ZAKONA O PRIVREDNIM DRUŠTVIMA

- Kantonalna privredna Komora Tuzla u saradnji sa Federalnim ministarstvom energije, rudarstva i industrije -

Kantonalna privredna Komora Tuzla u saradnji sa Federalnim ministarstvom energije, rudarstva i industrije organizovala je javnu raspravu o Nacrtu zakona o privrednim društvima u Federaciji Bosne i Hercegovine. U ime predlagača, Federalnog ministarstva energije, rudarstva i industrije javnu raspravu je vodio ministar Erdal Trhulj sa saradnicima. Kako je istaknuto na ovom skupu, Javna rasprava se provodi u skladu sa zaključkom Doma naroda Parlamenta Federacije Bosne i Hercegovine, broj: 02-02-1178/13 od 14.4.2014. godine kojim je prihvaćen Nacrt zakona. Imajući u vidu značaj Zakona o privrednim društvima, ocjenjeno je da Nacrt može poslužiti kao osnova za izradu Prijedloga zakona. Vlada Federacije Bosne i Hercegovine, u cilju dolaska do što kvalitetnijih zakonskih rješenja, zadužena je da organizira i provede javne rasprave u roku od 60 dana. Ustavni osnov za donošenje ovog zakona sadržan je u odredbi člana III. 1. b), koji je izmjenjen amandmanima VIII, LXXXIX i CVI Ustava Federacije Bosne i Hercegovine prema kojoj je u isključivoj nadležnosti Federacije Bosne i Hercegovine utvrđivanje ekonomske politike, uključujući planiranje i obnovu, te politiku korištenja zemljišta na federalnom nivou. Vlada Federacije Bosne i Hercegovine je svojim Programom rada za period 2012. – 2014. kao strateški prioritet identifikovala intenziviranje privrednog razvoja, te utvrdila da će naglasak u ovom period biti na jačanju domaćeg tržišta i uklanjanju barijera. **"Između ostalog, neophodno je preduzeti snažne mjere na smanjenju administrativnih barijera i opterećenja privrednim subjektima, prije svega u oblasti otpočinjanja poslovanja (registracija firme itd.)."**



U skladu sa postavljenim ciljevima u oblasti poslovanja i funkcionisanja privrednih društava neophodno je usvojiti i nove evropske standarde korporativnog upravljanja. Istovremeno moraju se ustanoviti efikasni mehanizmi za praćenje primjene tih standarda. U cilju unapređenja ekonomskog prostora Federacije Bosne i Hercegovine neophodno je sprovesti brojne aktivnosti na usklađivanju poslovnog okruženja. Poslovno okruženje u Federaciji Bosne i Hercegovine karakteriziraju brojna regulatorna ograničenja, zastarjeli, nejasni i neprimjenjivi propisi, te sporost u postupanju nadležnih organa. Ovim se značajno usporava proces ukupnog ekonomskog razvoja, a između ostalog i nameću značajni ekonomski troškovi privrednim subjektima. Završene su javne rasprave u Sarajevu i Mostaru, imali smo raspravu sa Udruženjem poslodavaca, poslije ove nas čeka još jedna rasprava i za očekivati je da će do kraja juna biti napravljen rezim. I ovdje je bilo dosta konstruktivnih prijedloga pa se nadam da ćemo sve to uspjeti ugraditi kako bi u najkraćem roku bile implementirane u Zakon", istakao je ministar Erdal Trhulj na skupu u Komori kojem je prisustvovao i aktivno učestvovao veliki broj privrednika sa područja Tuzlanskog kantona **"Smatram da će ovaj Nacrt Zakona u ovdje iznešene primjedbe i prijedloge, dati rezultate koji će poboljšati rad privrednih društava i poboljšati poslovanje privrede Tuzlanskog kantona",** izjavio je Nedret Kikanović predsjednik Kantonalne privredne komore Tuzla.



D.K.



Donacija Omega Crvenom krstu TK...

"OMEGA MJESEC POMAGANJA"

- Uručen ček od 75.000 Eura - donacija 350.000KM u uređajima -

Turska kompanija „ArčeliK“ i „Omega“ Živinice, lideri u prodaji bijele tehnike u BiH, juni su posvetili ugroženim i nastradalim od poplava i klizišta u BiH. Tim povodom je upriličena press konferencija na kojoj je doniran ček u vrijednosti od 75 hiljada EURA Crvenom križu TK koji će u narednom periodu ova novčana sredstva podijeliti svim ugroženim građanima na prostoru cijele BiH. Na press konferenciji u tuzlanskom Tržnom centru „Omega“ bilo je govora o nevremenu i prirodnim katastrofama, koje su nedavno zadesile cijelu BiH. Iz tog razloga predstavnici kompanije „Omega“ i turske kompanije „Arčeli“ odlučili su pomoći ugroženom stanovništvu. Od prvog dana katastrofe „Omega“ je sa svojom servisnom službom aktivirana u punom kapacitetu na tehničkoj pomoći u brzom kvalitetnom pružanju usluga servisiranja uređaja „Beko. Beko i Omega će do kraja juna donirati najugroženijim domaćinstvima oko 350 hiljada KM u bijeloj tehnici, higijenskim paketima, te besplatnim servisnim uslugama, putem Crvenog križa TK. Takođe, ovisno o potrebama kupaca organizirat će nabavku svih uređaja iz njihovog asortimana na odgođeno plaćanje, o čemu će kupci biti dodatno obaviješteni. Inače, kako je već ranije saopćeno, kompanija Arcelik sa brendom BEKO i Omega Živinice, lideri u prodaji bijele tehnike u Bosni i Hercegovini, će mjesec juni posvetiti pomaganju ugroženima i nastradalima od poplava i klizišta u Bosni i Hercegovini. Od prvog dana katastrofe kompanija Omega sa svojom servisnom službom je aktivirana u punom kapacitetu na tehničkoj pomoći u brzom i kvalitetnom pružanju usluga servisiranja uređaja „BEKO“. Kompletan servis, uključujući i zamjenjene dijelove je besplatna i akcija servisiranja na ovaj način trajat će 45 dana od dana objave (do 15. jula 2014.).



S obzirom da su lideri u prodaji bijele tehnike, te je veliki broj kupaca, nažalost oštećen usljed ove nepogode, veliki je i broj zahtjeva za izlazak na teren i pružanje pomoći. Zato je otvoren broj za pozive vezano za pomoć, Centralni Servis broj telefona 035 / 551 -777. Jako je bitno da se pripreme uređaji za servisiranje. Preporuka korisnicima je da aparate najprije očiste i ostave da se osuše. Nakon toga mogu pozvati Centralni Servis ili uređaj lično dostaviti u najbliži ovlaštenu Beko servis. Serviseri će izvršiti detaljno čišćenje i sušenje sastavnih dijelova aparata i pustiti u rad. Veoma je važno napomenuti da se svi uređaji servisiraju, BEZ OBZIRA NA STAROSNU DOB odnosno istek garancije. BEKO i Omega će do konca mjeseca juna donirati najugroženijem domaćinstvima od poplava i klizišta iznos od KM=350.000,00 u bijeloj tehnici, higijenskim paketima te besplatnim servisnim uslugama, dijelom putem Crvenog križa i direktno putem naše mreže. Pored gore navedenog u naredna tri mjeseca BEKO i Omega će od svakog prodatog aparata izdvojiti po 4,00 KM i sredstva donirati preko Crvenog križa ugroženom stanovništvu iz poplavljenih područja i područja ugroženim klizištima. BEKO i Omega će u narednom periodu ovisno o potrebama kupaca organizirati olakšanu nabavku svih uređaja iz našeg asortimana na odgođeno plaćanje o čemu će kupci biti dodatno obaviješteni. "Želimo da na ovaj način olakšamo i pomognemo nastradalima od poplava i klizišta te da se zahvalimo na dosadašnjem povjerenju. Vaši BEKO I Omega", poručuju iz firme Omega Živinice.



D.K.



Borba protiv rada na crno...

FORMIRANO NOVO KOMORSKO UDRUŽENJE

- Udruženje društveno odgovornih autoservisa i trgovaca rezervnih autodijelova i opreme na području Tuzlanskog kantona -



Odbor Udruženja ovlaštenih prodajno-servisnih društava-motornih vozila na području Tuzlanskog kantona koje djeluje pri Kantonalnoj privrednoj komori Tuzla, održalo je redovnu sjednicu, ovaj put u proširenom sazivu. Tema je, slobodno se može reći, dugogodišnji problem koji otežava rad svim privrednim subjektima koji posluju po zakonima ove države, „Rad na crno u oblasti autoservisiranja i popravke motornih vozila kao i prodaje autodijelova”. Nakon iznošenja brojnih nepravilnosti uočenih na terenu, stav je članova Odbora da se treba zahtijevati od nadležnih institucija da zaustave rad na crno koji se ogleda u pojavama kao što su: neregistrovane servisne radionice za održavanje i popravku motornih vozila, neregistrovani placevi za prodaju automobila, kao i ulična prodaja, uvede red u prodajnim kućama autodijelova, gdje se neregistrovanim licima prodaju autodijelovi sa veoma velikim rabatima bez potpisanih ugovora o rabatima, te auto otpadi na kojima se pored prodaje rabljenih dijelova, vrši popravka automobila kao i prodaja rabljenih automobila, čime se stvorila ogromna nelojalna konkurencija registrovanim preduzećima, urušava se fiskalni sistem države, te imamo i nerealnu sliku o broju nezaposlenih. Inspekcije moraju obaviti kontrolu nelegalnih radnji, izreći sankcije, u protivnom, pitanje je, ujedno i odgovor, da li i ostali privredni subjekti trebaju početi raditi nelegalno. „Traži se da se ide u proceduru izmjene propisa o svim vrstama kontrole legalnih i nelegalnih firmi, odnosno da budu ravnopravne, jer inspekcije dolaze u legalne firme, a za nelegalne kažu da

ne mogu ići u kontrolu jer nisu registrovane. Svim neregistrovanim firmama treba dati mogućnost da u roku od 3 mjeseca prilagode i otklone određene nedostatke i registruju svoje firme, a one koje ne ispunjavaju uvjete trajno zatvoriti i zabraniti rad. Svi koji rade na nelegalan način prijavljeni su na Zavodu za zapošljavanje. Od državnih organa tražimo da što prije uvedu homologaciju na rezervne dijelove i opremu za vozila, da se pokrene procedura za izmjenu pravila oko uvoza rabljenih vozila. Također, treba pooštriti ekološke kriterije, uvesti standar EURO-4, jer je EURO-3 već zastario (vozila stara do 12-13 godina) tako da je BiH deponija za stara vozila iz Evropske unije”, istakao je Pejo Nišandžić (“Nipex” Tuzla), predsjednik Odbora Udruženja.

Dogovoreno je da svi navedeni zaključci i stavovi sa adrese Odbora budu upućeni resornim ministarstvima, općinskim i kantonalnim inspekcijama. Usaglasili su se članovi Odbora ovog komorskog Udruženja da su stvoreni uslovi za formiranje Udruženja društveno odgovornih autoservisa i trgovaca rezervnih autodijelova i opreme na području Tuzlanskog kantona. Za predsjednika novoosnovanog Udruženja je izabaran Anto Krešić („Autobalans” doo Tuzla), a za potpredsjednike Adnan Bošnjak (Autoservis Bošnjak Tuzla) i Mladen Jozeljčić („Francuz” doo Tuzla). Formiran je Odbor novog Udruženja i postavljeni zadaci za naredni period.

D.K.





Sekcija za unutrašnji promet putnika...

PROBLEMI U RADU PRIJEVOZNIČKIH FIRMI

- *Problematika nenaplaćenih računa od Ministarstva finansija Tuzlanskog kantona*
- *Neophodan hitan sastanak sa nadležnim institucijama - Potrena izmjena redova vožnje -*



Odbora Sekcije za unutrašnji promet putnika koja djeluje pri Udruženju za promet i komunikacije u Kantonalnoj privrednoj komori Tuzla, upriličio je sjednicu u proširenom sazivu. Sjednici su prisustvovali, uz članove Odbora, predstavnici Ministarstva trgovine, turizma i saobraćaja Tuzlanskog kantona. Raspravljalo se i problematici nenaplaćenih računa od Ministarstva finansija Tuzlanskog kantona (po osnovu prijevoza učenika osnovnih škola – subvencioniranje prijevoza za učenike koji putuju do škole na relaciji dužoj od 4 km) i od ostalih privrednih javnih (državnih) subjekata. I ova tema je već nekoliko puta bila na Dnevnom redu sjednica ovog Odbora pa kako nije bilo rješenja, zaključeno je da se uputi dopis Ministarstvu trgovine, turizma i saobraćaja Tuzlanskog kantona u kojem se traži da organizuju sastanak sa premijerom

Tuzlanskog kantona, Ministarstvom finansija, Ministarstvom obrazovanja, nauke, kulture i sporta, Ministarstvom unutrašnjih poslova, direktorom JP EP BiH Sarajevo - ZD Rudnici "Kreka" d.o.o. Tuzla; na kojem bi se raspravljalo o sljedećim temama kao što su: Problematika u radu prevoznika u putničkom saobraćaju na području Tuzlanskog kantona, Nelegalan rad, Problematika nenaplaćenih računa od Ministarstva finansija Tuzlanskog kantona, Korištenje javnog prevoza od strane budžetskih korisnika, Neprimjenjivanje Zakona kod legalnih i nelegalnih taksi prevoznika – traži se od inspekcije zabrana korištenja autobuskih stajališta od strane taksi prevoznika i korištenje taksimetra za naplaćivanje karte. Sastanak treba organizovati organizovati što prije i uz prisustvo predstavnika svih nadležnih institucija i subjekata koji su navedeni. Na sjednici se razgovaralo i o drugim temama. Tako je zaključeno i da se pod hitno uputi dopis kantonalnoj i federalnoj Direkciji cesta u kojem se traži da se što prije krene sa izvođenjem radova na relaciji Tuzla-Tojšići-Kalesija i obratno, jer otežan saobraćaj nanosi velike troškove prevoznicima koji imaju linije na toj relaciji. Odlučeno je i da je neophodno uputiti dopis Ministarstvu, trgovine, turizma i saobraćaja u kojem se traži rješenje o izmjeni redova vožnje, odnosno itinerera.

Sekcija za unutrašnji promet putnika...

NEOPHODNO ZAMRZAVANJE REDOVA VOŽNJE

- **Dopisi Kantonalnom i Federalnom resornom ministarstvu - Dopis Vlade FBiH u vezi povećanja akciza na naftu -**

km	Vrijeme u povratku								
	10	11	12	13	14	15	16	17	18
11,5	06.00	12.15	13.15	14.15	15.15	16.15	17.15	22.00	23.00
—	—	—	—	—	—	—	—	—	—
—	—	—	—	—	—	—	—	—	—
—	—	—	—	—	—	—	—	—	—
8,9	05.52	12.05	13.05	14.05	15.05	16.05	17.05	21.52	22.52
8,1	05.49	11.56	12.56	13.56	14.56	15.56	16.56	21.49	22.49
7,1	05.46	11.53	12.53	13.53	14.53	15.53	16.53	21.46	22.46
5,6	05.43	11.51	12.51	13.51	14.51	15.51	16.51	21.43	22.43
4,6	05.41	11.48	12.48	13.48	14.48	15.48	16.48	21.41	22.41
3,9	05.39	11.44	12.44	13.44	14.44	15.44	16.44	21.39	22.39
3,5	05.37	11.41	12.41	13.41	14.41	15.41	16.41	21.37	22.37
3,0	05.35	11.38	12.38	13.38	14.38	15.38	16.38	21.35	22.35

Ponovo su predstavnici Ministarstva trgovine, turizma i saobraćaja Tuzlanskog kantona prisustvovali sjednici Odbora Sekcije za unutrašnji promet putnika koja djeluje pri Udruženju za promet i komunikacije u Kantonalnoj privrednoj komori Tuzla. Razgovaralo se o potrebi zamrzavanje redova vožnje koji nisu rentabilni za vrijeme ljetnog raspusta. Zaključeno je da se Ministarstvu trgovine, turizma i saobraćaja Tuzlanskog kantona uputi dopis u kojem se zahtijeva usaglašavanje redova vožnje, shodno uvjetima postupaka i kriterija za utvrđivanje privremenog obustavljanja održavanja polazaka ili voznog reda usljed više sile ili izvanrednog stanja u cestovnom prometu. Također, potrebno je zamrzavanje, odnosno mirovanje polazaka koji nemaju ekonomsku opravdanost za vrijeme ljetnog školskog raspusta, zbog nastale situacije u Bosni i Hercegovini, elementarnim nepogodama koje su zadesile

Tuzlanski kanton, kao i loša finansijska situacija koja nalaže poslovanje sa maksimalnim uštedama. Članovi Odbora zahtijevaju od resornog Kantonalnog ministarstva da podrži zahtjev i isti uputi Federalnom ministarstvu prometa i komunikacija Mostar kako bi Ministarstvo postupilo po istom principu kao do sada, dok se stanje u ovoj oblasti stabilizuje i otklone smetnje koje direktno utiču na održavanje voznog reda. Razgovaralo se i o akcizama na naftu pa je zaključeno da u ime Sekcije za unutrašnji promet putnika, uputiti dopis Ministarstvu prometa i komunikacija FBiH vezano za planirane aktivnosti Vlade FBiH u vezi povećanja akciza na naftu.

D.K



ANALIZIRANA PROBLEMATIKA U TRGOVINI I TURIZMU

- Neophodno uključenje svih nadležnih institucija na čelu sa resornim Ministarstvom -



Odbor Udruženja za trgovinu, ugostiteljstvo i turizam Kantonalne privredne komore Tuzla, upriličio je sjednicu u proširenom sastavu. Analizirana je aktuelna problematika u oblastima koje objedinjuje ovo komorsko Udruženje. nakon rasprava, analiza, prijedloga i razmjene iskustva, članov Odbora su jednoglasni oko činjenice da je neophodno uključenje svih nadležnih institucija na čelu sa resornim Ministarstvom, u stvaranja što povoljnijeg ambijenta za nesmetano obavljanje turističkih, trgovačkih i ugostiteljskih aktivnosti. S tim u vezi, doneseno je nekoliko zaključaka da se upute dopisi kako bi se stvorili uslovi za razgovor o aktelnoj problematici i zajednički pokušalo doći do rješenja. Tako je zaključeno da se uputi dopis Ministarstvu obrazovanja, nauke, kulture i sporta i Ministarstvu trgovine, turizma i saobraćaja u kojem bi se razgovaralo o odlukama kojima se, putničkim agencijama koje posjeduju autobuse starije od 10 godina, ne dozvoljavaju voziti ekskurzije, iako od države posjeduju licence da su autobusi tehnički ispravni i da mogu vršiti prevoz. kada je u pitanju turistikča djelatnost.

Također, neophodno je uputiti dopis Ministarstvu trgovine, turizma i saobraćaja u kojem se traži da omogući sastanak sa predstavnicima Udruženja, resornim ministrom i direktorom Kantonalne uprave za inspekcijske poslove TK na kojem bi se razgovaralo o ponašanju inspektora u okviru njihovih redovnih aktivnosti i vršenja njihovih

dužnosti, kao i dopis Minstarstvu za trgovinu, turizam i saobraćaj, sa zahtjevom da se aktivno uključi i organizovanje zajedničkog sastanka predstavnika tog ministarstva, Udruženja za trgovinu, ugostiteljstvo i turizam Kantonalne privredne komore Tuzla, Kantonalne poreske inspekcije, Kantonalne uprave za inspekcijske poslove TK, Ministarstva unutrašnjih poslova. Na sastanku bi se razgovaralo o učešću navedenih institucija u nesmetanom obavljanju redovnih aktivnosti u djelatnosti u oblasti trgovine, turizma i ugostiteljstva. Od Kantonalne poreske uprave se traži da javnosti pa tako i Udruženju za trgovinu, ugostiteljstvo i saobraćaj omogući uvid u podatke o broju zaposlenih, redovnosti isplate plata zaposlenima, redovnostim izmirivanja obaveza prema državi a u cilju informisanja javnosti o firmama u kojima se radi ili ne radi prema zakonima. Sve ovo po ugledu na Upravu za javne prihode Makedonije koja je na internet stranici objavila listu osoba i kompanija koje ne plaćaju porez i druge namete prema državi. Na kraju, biće upućen i dopis predsjedniku Kantonalne privredne komore Tuzla u kojem se zahtijeva da razmotri mogućnost stavljanja pravne službe Komore u službu firmi članica Udruženja Komore a u cilju zastupanja privrednike okupljene u Udruženju pri tužbama i rješavanju određenih problema putem suda.

D.K.





Udruženje za industriju tekstila, kože i obuće...

NEOPHODNA IZMJENA ZAKONA O PORODILJSKOM BOLOVANJU

- Nagomilani problemi koji otežavaju rad - Neophodno hitno rješavanje refundacije porodijskog bolovanja - Pomoć od Vlade TK pri penzionisanju radnika -



Odbor Udruženja za industriju tekstila, kože i obuće Kantonalne privredne komore Tuzla, održao je redovnu sjednicu, u proširenom sazivu. Na dnevnom redu je bila aktuelna problematika u industriji tekstila, kože i obuće. Kako je istakao Munever Novalić predsjednik Odbora Udruženja, neophodno je da Vlada Tuzlanskog kantona učini određene korake kako bi se došlo do rješenja nekih nagomilanih i već duže vrijeme prisutnih problema koji otežavaju normalan rad u oblastima koje obuhvata ovu komorsko Udruženje. Zaključeno je na ovom skupu da se od Vlade Tuzlanskog kantona traži što brže rješavanje problema refundacije porodijskog bolovanja, jer su firme u sve lošijem položaju, a iznosi o kojima se govori, nisu zanemarljivi. Tim novcem se mogu riješiti itekako veliki problemi koji pritišću industriju tekstila, kože i obuće. Od

Vlade Tuzlanskog kantona se također traži pomoć vezano za penzionisanje radnika koji imaju pravo na penziju, ali da se neizmirene obaveze rješavaju pojedinačno, a ne za sve radnike zajedno, odnosno da se rješavaju kako koji radnik treba da ide u penziju, jer su oni zaslužili da odu u penziju. Takođe, tražiti od Vlade TK da zajedno sa firmama iznađu mogućnost kompenzacija, a dugovanja za porodijsko usmjeriti direktno u PIO ili u Upravu za indirektno oporezivanje, kako bi se izmirili doprinosi i radnike otpremili u zaslužujuću penziju. U vezi sa problematikom o kojoj se razgovaralo, biće upućen dopis Vladi Tuzlanskog kantona u kojem se traži izmjena Zakona porodijskog bolovanja, odnosno da to bude problem zdravstvenog, a ne poslodavaca. Razgovaralo se i o nastalim štetama tokom poplava na području Tuzlanskog kantona i načinima njihovog saniranja.

Udruženje za poljoprivredu i prehrambenu industriju...

ODRŽANA 8. REDOVNA SJEDNICA UDRUŽENJA

- Razgovarano o aktuelnoj problematici u poljoprivredi Tuzlanskog kantona - Vlada se mora aktivnije uključiti u rješavanje problema -



Odbor Udruženja za poljoprivredu i prehrambenu industriju Kantonalne privredne komore Tuzla, upriličio je 8. sjednicu u proširenom sazivu. Pored članova Odbora i udruženja, sjednici je prisustvovao i Samid Šarac ministar za poljoprivredu, šumarstvo i vodoprivredu Tuzlanskog kantona. Razgovarano je o aktuelnoj problematici u poljoprivredi Tuzlanskog kantona, uglavnom vezanoj za novčane podrške. Na Dnevnom redu su bili programi i pravilnici za 2014.godinu FBiH i TK-a, Nacrt Zakona o novčanim podrškama u poljoprivredi i ruralnom razvoju TK-a, te isplata duga novčanih podrški iz 2013. godine iz FBiH i TK-a. Kako je istaknuto na sjednici, poljoprivredni proizvođači sa područja aTK koji inače raspolažu sa 34% poljoprivrednog zemljišta Federacije BiH, nisu zadovoljni statusom prilikom određivanja novčanih podrški. Smatraju

da programi i pravilnici za novčane podrške, kako sa nivoa FBiH, tako i sa kantonalnog nivoa, treba da budu kompatibilni u svrhu razvoja konkurentne poljoprivredne proizvodnje, koja koristi prirodne resurse i masovno zapošljava stanovništvo ruralnih dijelova na području Tuzlanskog kantona. Stava su da se i Vlada TK treba aktivnije uključiti u rješenje ovog problema jer svi parametri ukazuju na to da ovaj Kanton treba da bude prvi i u ukupnom iznosu novčanih podrški sa Federalnog nivoa. S tim u vezi se traži što hitniji sastanak sa premijerom TK i njegovim saradnicima u Vladi. Minstar Samid Šarac, prezentovao je Nacrt Zakona o novčanim podrškama u poljoprivredi i ruralnom razvoju TK-a, istakavši da će se zalagati da i dalje bude 3 % vrijednosti poreskih prihoda godišnjeg Budžeta Kantona za novčane podrške u poljoprivredi i ruralnom razvoju. Takođe, zalagaće se da se poljoprivrednici registruju kao obrtnici u skladu sa Zakonom o obrtu.

D.K.



Iz Kantonalne privredne komore Tuzla...

POVEĆAN BROJ ČLANICA KOMORE

Ukupno 7 privrednih subjekata novi članovi Komore



Kada je u pitanju članstvo u Kantonalnoj privrednoj komori Tuzla, nakon što smo u protekloj godini zabilježili da je pristupnicu potpisao ukupno 21 privredni subjekt, u prvih pet mjeseci ove godine im se pridružilo još sedam. Riječ je o slijedećim firmama koje su se odmah po učlanjenju u Komoru, aktivno uključile u rad granskih udruženja te u sudjelovanje na sajamskim manifestacijama u okviru zajedničke sajamske postavke pod nazivom "Privreda TK". **To su U.G. „Pustinjska ruža” Srebrenik, „Porta naturae” doo za proizvodnju i trgovinu Srebrenik, TNM piljara „Multivitamin” Lukavac, Udruženje peradara sa područja Tuzlanskog kantona, Obrtnička radnja autoservis „Bošnjak” Tuzla, „Eko-život” doo Tuzla i „Steed B&S” doo Tuzla.**

Izdavanje ATA karneta...

OBRAČUNSKI PERIOD JANUAR-MAJ 2014. GODINE

Ukupno 205 zahtjeva u pet mjeseci –

U 2014. godini je nastavljeno izdavanje ATA karneta u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla. Podizanje dokumenata vrši se na mjestu gdje je zahtjev i podnesen. **„Kada su u pitanju izdati ATA karneti i dodatni listovi u ovoj godini, dakle, u periodu od 1. januara do 31. maja, pristiglo je ukupno 205 zahtjeva. Od toga su bila 83 zahtjeva za izdavanje ATA karneta i 121 zahtjev za izdavanje dodatnih listova za ATA karnet. Od 83 zahtjeva za izdavanje ATA karneta, 43 zahtjeva su podnijela fizička lica iz sljedećih opština: Živinice, Bijeljina, Banovići, Gradačac, Tuzla, Jelah, Zavidovići, Srebrenik, Matuzići, Lukavac, Teslić, Usora i Gračanica, a 41 zahtjev su podnijele firme iz Bijeljine, Mirićine, Usore, Lukavca, Tuzle, Odžaka, Gračanice, Živinice, Brčkog, Gradačca, Sjenine, Jelaha, Doboj Istoka, Srebrenika, Tešnja, Zvornika, Kladnja, Kalesija i Orašja. Ukupno 92 fizička lica podnijeli su zahtjev za izdavanje dodatnih listova, a 29 zahtjeva stiglo je u ime privrednih društava”,** izjavila je Suada Rekić

stručni saradnik u Uredu za pružanje informacija o ATA sistemu i izdavanje ATA karneta Vanjskotrgovinske komore u Tuzli. Sve dodatne informacije, kao i potrebne upute o ATA sistemu i obrasce, zainteresirani mogu pronaći na web stranici Vanjskotrgovinske komore BiH www.komorabih.ba ili direktno – na osnovu dole navedenih kontakt informacija kao i u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla - Trg slobode bb – 75000 Tuzla - Tel/fax. +387/35/258-266 i Fax: +387/35/258-271, Email: atatz@komorabih.ba - kontakt osoba: Suada Rekić.



USAVRŠAVANJE ZA ČLANOVE NADZORNIH ODBORA I UPRAVA

Kantonalna privredna komora Tuzla počela je prikupljanje prijave za usavršavanje kandidata za članove nadzornih odbora i članove uprava privrednih društava sa učešćem državnog kapitala, na osnovu Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala. Usavršavanje su obavezni proći predsjednici i članovi nadzornih odbora i uprava privrednih društava u kojima ovlasti po osnovu učešća državnog kapitala vrše Federacija BiH, kantoni/županije, gradovi ili općine. Usavršavanju može pristupiti i svaka druga osoba koja ispunjava uslove predviđene odredbama člana 260. Zakona o privrednim društvima („Službene novine F BiH br. 23/99, 45/00, 2/02, 6/02, 29/03, 84/08, 88/08 i 7/09). Svi zainteresovani kandidati, mogu se obratiti putem e-maila: edina@kpktz.ba i dobiti prijavni obrazac i sve dodatne informacije.



**KANTONALNA
PRIVREDNA
KOMORA TUZLA**

D.K.



Saradnja komora Tuzla i Kraljevo

SUSRETI PRIVREDNIKA TUZLANSKOG KANTONA I KRALJEVA

- RGP Kraljevo, Hotel Tuzla i KPK Tuzla - Posjeta "Pivari dd - Uskoro uzvratna posjeta

Kantonalna privredna komora Tuzla u saradnji sa Regionalnom privrednom komorom Kraljevo i domaćinom i inicijatorom susreta-Hotelom Tuzla, organizovala je privredne susrete u Tuzli. Na otvaranju susreta, privrednicima su se obratili Nedret Kikanović, predsjednika Kantonalne privredne komore Tuzla, Zvonko Tufegdžić generalni sekretar Regionalne privredne komore Tuzla, Mustafa Isabegović ministar za trgovinu, turizam i saobraćaj u Vladi Tuzlanskog kantona, Rade Jovanović – pomoćnik gradonačelnika Kraljeva, Vedran Lakić – pomoćnik načelnika Općine Tuzla, Maja Mačužić, član gradskog vijeća Kraljeva za međunarodnu saradnju Vesna Baltić – Dugalić - sekretar Odbora za privredni sistem i ekonomske odnose sa inostranstvom u RPK Kraljevo te Amalija Simić direktorica Hotela Tuzla. Gosti iz Kraljeva su upoznati sa turističkim destinacijama Tuzle, prije svega, kompleksom Panonskih jezera o čemu je govorio Maid Porobić direktor JKP "Pannonica" Tuzla koji je organizovao i obilazak kompleksa nakon privrednih susreta. O Turističkim potencijalima

kvalitetniji korak ka razvoju ovih krajeva, da se mogu prebroditi sve nedaće i da temelj svih pozitivnih iskoraka jeste i mora biti privreda. S tim u vezi, raduje da su naši prijatelji iz regionalne komore kraljevo organizovali jedan skup kvalitetnih privrednika , njih 15, koji predstavljaju značajne privredne subjekte i okrenuli ih prema tuzlanskom kantonu. S druge strane, mi smo odgovorili isto tako kvalitetnim privrednim subjektima, 30 privrednih subjekata je na susretima iz TK, pokazujemo i dokazujemo da ove regije imaju materijala za razmjenu, saradnju, zajedničke poslovne poduhvate. Nadamo se



da će susreti u najskorijem periodu donijeti i konkretne projekte, realizaciju poslovnih dogovora, sve na zadovoljstvo i dobrobit ovih privrednih subjekata ali i regija i zemalja iz kojih dolaze", rekao je Nedret Kikanović predsjednik Kantonalne privredne komore Tuzla. Susretima su, pored privrednika, prisustvovali predstavnici komora organizatora susreta, te gradova Kraljevo, Tuzla i Vlade Tuzlanskog kantona. **"Nakon katastrofalnih poplava koje su zadesile BiH i Srbiju privreda obje zemlje ne smije pokleknuti, odnosno mora ići dalje. Ne postoje prepreke koje se ne mogu prevazići. Pomenute nedaće su samo podstrek za još boljom saradnjom koja je bila izražena na prostorima bivše Jugoslavije, a koja se sada ponovo pokušava uspostaviti. Tuzla sama kao grad sa Panonskim jezerima i turističkim potencijalima koje posjeduje je veliki izazov za građane Kraljeva i regiona. S druge strane, i naši građani imaju priliku koristiti njihove jako poznate banje kao turističke destinacije",** izjavio je Mustafa Isabegović, ministar za trgovinu, turizam i saobraćaj TK.



Tuzlanskog kantona govorila je Merima Aljić iz Turističke zajednice Tuzlanskog kantona. Privrednici Kraljeva i Tuzle sastali su se kako bi zajednički pokušali pronaći način da pomognu u novonastaloj situaciji, koju su u naše dvije zemlje prouzrokovale posljednje vremenske nepogode. Iz regije Kraljeva susretima su prisustvovali predstavnici 15 privrednih subjekata. Želja im je bila da uspostave bliže saradnje sa ovdašnjim kolegama i to u dijelu turizma, kulture i privrede. **"Mi ćemo zajednički, odnosno komšijski pokušati vidjeti šta možemo unaprijediti u privredi. Ona jedina može da sanira sve štete koje su nastale. Ovo je jedna divna prilika, i mi smo zbog toga i organizirali ovaj skup. Ovim susretima želimo pokazati da se zajedno, komšijski i prijateljski, ali isključivo privrednim aktivnostima i privredom može napraviti**



"Mogućnosti koje smo prije 20 godina ispustili su velike, a mi ih vrlo malo koristimo. Područje sa kojeg mi dolazimo ima velike mogućnosti proizvodnje prehrambenih proizvoda, i mi ćemo ih svakako ponuditi. Sa ovih prostora, pored soli koja je sinonim za cijelu bivšu Jugoslaviju, postoje mogućnosti energenata koje koristimo, ali i sirovine i poluproizvodi koje možemo koristiti. Srbija i naš region ima mogućnosti izvoza bez carina u Rusiju, Bjelorusiju i Kazahstan, i to su mogućnosti koje ćemo razmatrati sa privrednicima u Tuzli. U zajedničkim izradama proizvoda koji bi nosio iznaku da je 51 posto proizveden u Srbiji, 49 u BiH, imali bi mogućnost da se bez carina nađe na tržištima koji bi mogli zadovoljiti naše kapacitete. Samo je potrebno da ozbiljno radimo i dogovaramo se oko svega", istakao je generalni sekretar Regionalne privredne komore Kraljevo Zvonko Tufegdžić. U sklopu poslovnih susreta upriličena je posjeta "Pivari" dd Tuzla. Gosti iz Kraljeva obišli su pogone za proizvodnju piva, imali priliku i degustirati proizvode iz "tuzlanske fabrike piva".



"Mi smo u 130 godina uspješnog poslovanja zadržali svoju tradiciju proizvodnje piva, ali smo i proširili svoj asortiman proizvoda na prepoznatljivu Tuzlansku mineralnu, te sokove. Tuzlanska pivara je oduvijek znala prepoznati potrebe građana i kupaca. Prisutni smo na prostoru cijele BiH, ali naše ambicije jesu za izvoz posebno prema EU", kazao je novi direktor Pivare Fahrudin Salihović. Gosti su bili zadovoljni viđenim i nadaju se skorij saradnji. **"Nosim veoma pozitivne utiske, savremena je tehnologija, pivo je izuzetno kvalitetno, prije svega zbog toga što je mnogo hemijskih supstanci koje se koriste za proizvodnju piva ovdje odstranjeno. Znači koristi se minimalna količina hemije da bi se dobilo što prirodnije pivo. Moramo raditi dosta na bilateralnim ugovorima jer postoje barijere, obostrane zaštite i sa jedne i sa druge strane granice što onemogućava slobodan protok ove vrste robe",** kazao je Zvonko Tufegdžić generalni sekretar Regionalne privredne komore Kraljevo. **"Veoma mi je drago što smo imali priliku biti domaćinima privrednicima regija koje daju veliki doprinos razvoju svojih zemalja, privrednicima koji imaju viziju i koji uvijek gledaju korak naprijed. Veliko je zadovoljstvo što smo jedan ovakav skup realizovali sa našim prijateljima iz regionalne komore Kraljevo. Dokaz je i ovo da komorski sistem i sistemi mogu da budu u službi privrede, da mogu napraviti velike korake ka unaprjeđenju i razvoju sredina koje povezuju. Zadovoljstvo će biti veće ako susreti rezultiraju novom poslovnom saradnjom. Ono što smo ubijeđeni, jeste da će rezultirati novim prijateljstvima. Zahvaljujem se predstavnicima partnerske komore, grada Kraljeva, Vlade Tuzlanskog kantona, Općine Tuzla, posebno, našim privrednicima, članici komore Hotelu Tuzla kao inicijatoru susreta",** istakao je na kraju dvodnevno druženja Nedret Kikanović predsjednik Kantonalne privredne komore Tuzla. Regionalna privredna komora Kraljevo u saradnji sa Kantonalnom privrednom komorom Tuzla i "Hotelom Tuzla" Tuzla, organizovaće i uzvratne susrete privrednika u Kraljevu.

Pripremio: Dino Kalesić



Prezentacija u Komori...

PREZENTOVAN SAJAM "EKOBIS 2014"

- Bihać od 4. do 7. septembra - "Održivi razvoj i Eko turizam" -

Kantonalna privredna komora Tuzla i Privredna komora Unsko-sanskog kantona, upriličile su jučer promociju 12. međunarodnog ekološkog sajma "Ekobis 2014". Privrednicima su se obratili Nedret Kikanović predsjednik Kantonalne privredne komore Tuzla i Ismet Pašalić predsjednik Privredne komore Unsko-sanskog kantona. **"Raduje što smo ugostili prijatelje iz Privredne komore Unsko-sanskog kantona, jedine komore u Federaciji koja ima sajamsku manifestaciju. Sajam "Ekobis" je odlična prilika za privrednike sa područja Tuzlanskog kantona da predstave i ponude svoje proizvode i usluge u ovom dijelu Bosne i Hercegovine. Mi smo i u prethodnih jedanaest godina imali zavidnu saradnju i nadamo se da će se nastaviti i u narednom periodu. Organizovali smo nastupe naših privrednika, članica naše Komore, u zajedničku sajamsku postavku pod nazivom "Privreda TK" koju je činilo i do 30 privrednih subjekata. Nadamo se da će i ove godine jedna takva postavka biti na sajmu "Ekobis" u Bihaću gdje su naši privrednici uvijek imali zapažen i zadovoljavajući nastup. Nadamo se da će se tradicija nastaviti",** izjavio je Nedret Kikanović predsjednik Kantonalne privredne komore Tuzla. **"Ekobis je u principu jedan razvojni projekat koji se bazira na principima održivog razvoja a koji u fokusu ima ekologiju, okoliš, zdrave i standardima potvršene industrije. Moramo istaći da sajam prati sve aktuelnosti i reforme koje se dešavaju u BiH vezano za okoliš, standarde, organsku poljoprivredu, turizam. Posebno kada je riječ o turizmu jer imamo ambicije da naš kraj razvijamo kao specifičnu destinaciju u Evropi koja ima prvi Nacionalni park u Federaciji. Treba istaći da je naš sajam do sada, u prethodnih 11 godina, posjetilo više od 130.000 posjetilaca, izlagalo je više od 2800 izlagača iz 15 zemalja Jugoistočne Evrope iz Indonezije, Kine, Grčke, sa konkretnim projektima i programima saradnje. Puno polažemo na regionalnu saradnju, na povezanost unutar komorskog sistema šire regije a posebno dobre odnose imamo sa Kantonalnom**



privrednom komorom Tuzla", izjavio je Ismet Pašalić predsjednik Privredne komore Unsko-sanskog kantona i idejni tvorac projekta "Ekobis". Inače, Privredna komora Unsko-sansko kantona je odmah po završetku 11. međunarodnog ekološkog sajma "EKOBIS 2013", počela sa pripremama za novu sajamsku manifestaciju koja će se desiti u 2014. godini. Nema sumnje da će kompletna tehnička priprema i program pratećih sadržaja, susretljivost i gostoljubivost domaćina, uposlenika Komore ali i Bišćana, žitelja Unsko-sanskog kantona, i ove godine privući veliki broj privrednih subjekata. Izvanredno organizovana i do najsitnijih detalja pripremljena, veoma značajna sajamska manifestacija, upravo zbog svih pomenutih karakteristika, iz godine u godinu bilježi rast i razvoj. Posebno je značajno pomenuti da je u posljednjih nekoliko godina, pritisku teškim ekonomskim prilikama u cijelom svijetu pa tako i u našem regionu, rastao broj izlagača, izložbenih prostora, programskih sadržaja. Povećavan je broj zemalja iz kojih su stizali privrednici na predstavljanje svojih proizvoda, firmi, usluga. Sajam u Bihaću će i ove godine biti izvanredna prilika za ostvarivanje novih poslovnih kontakata, također, biće i ove godine mjesto okupljanja predstavnika brojnih privrednih komora iz šire regije koji u Bihaću svake godine jačaju svoje veze, jačaju komorski sistem u cjelini. Sajam "EKOBIS" kao manifestacija ekologije, ekoturizma i ekološke industrije a koju uspješno i na visokom, evropskom nivou organizuje Privredna komora Unsko-sanskog kantona još od 2003. godine, biće održan u periodu od 4. do 7. septembra 2014. godine. Kako su iz Privredne komore Unsko sanskog kantona najavili, očekuje se i ove godine još veći broj izlagača, iz više zemalja, veći broj posjetilaca, više aktivnosti u okviru pratećih programa i sadržaja, više prijava na ocjene kvaliteta i generalno, puno razloga zbog kojih već treba obezbijediti svoje mjesto, rezervisati i osigurati svoje pozicije, učešće na 12. međunarodnom ekološkom sajmu "EKOBIS 2014". Ovogodišnja tema sajma je "Održivi razvoj i Eko turizam". Sve potrebne informacije, prijave, letak sajma, moguće preuzeti za službene sajamske web stranice: www.ekobis.info.

Pripremio: Dino Kalesić





Sajamske manifestacije....

4. SAJAM ORGANSKIH PROIZVOĐAČA "EKO-ETNO BIH"



U organizaciji Saveza udruga "Mreža žena – Veliko srce u BiH", u Gradačcu je održan 4. sajam organskih proizvođača "Eko-etno BiH". Ova dvodnevna manifestacija okupila je više od 50 izlagača organskih proizvođača hrane i ljekovitog bilja, meda i pčelinjih proizvoda, te udruga koje baštine tradiciju i koja se bave očuvanjem okoliša, kao i nekoliko srednjih škola. Sajam je otvorio Boško Gaćeša iz Zavoda za organsku poljoprivredu BiH, koji je potrošačima uputio poziv da se pri korištenju poljoprivrednih proizvoda služe pravilom 3K, odnosno da vode računa o količini, kvantiteti i kvaliteti proizvoda. Osim izložbenog dijela za sudionike Sajma, upriličena su i edukacijska predavanja o gljivama, s posebnim osvrtom na njihovo korištenje u kozmetičkoj industriji, te prezentacija proizvodnje džemova od autohtonih vrsta jabuka

i krušaka i njihov plasman na inozemno tržište. Za pčelare je bilo organizirano predavanje o ekološkom i pčelarenju po organskim principima proizvodnje. Ovaj Sajam postaje tradicionalan i sve je sadržajniji i bogatiji sa organskim proizvođačima. Organska proizvodnja je već sadašnjost a posebno budućnost u proizvodnji hrane. Sajam je nadopuna i prethodnica Međunarodnom sajmu poljoprivrede i prehrambene industrije koji se ove godine održava 41. puta. Nije slučajno da je u Gradačcu nastao sajam organskih proizvođača. Poljoprivrednici i građani Gradačca, prepoznali su značaj organske proizvodnje, prevashodno za zdravlje ljudi, a i privrednu djelatnost za zapošljavanje i stvaranje biznisa u ovoj proizvodnji. Sajam je potvrdio veliki interes za organsku proizvodnju i izložbenim dijelom, kao i naučnim i drugim sadržajima daje značajan doprinos razvoju organske proizvodnje u svim granama poljoprivrede. Za očekivati je da naredni, 5. jubilarni sajam bude još kvalitetniji i sadržajniji.

GRAČANICA: 5. MEĐUNARODNI SAJAM "GRAPOS-EXPO"



U Gračnici je održan 5. međunarodni privredni sajam "Grapos-Expo". Na sajmu je bilo više od 300 izlagača iz nekoliko država, te oko 25 hiljada posjetilaca. Cilj sajma je promocija i međusobno povezivanje poduzetnika s domaćeg i inozemnog tržišta, te pozitivan utjecaj na stvaranje poduzetničke klime i intenziviranje privrede. Prema riječima direktora Privrednog sajma Gračnica Nedžada Nuhanovića, velikoj je zadovoljstvo činjenicom da su na sajmu bili izlagači iz Bosne i Hercegovine, Hrvatske, Srbije, Slovenije, Italije, Austrije i Njemačke, kao i ambasadori Republike Češke, Brazila, Francuske i Turske. "Prvi put u BiH u Gračnici je sajam otvorilo pet najuspješnijih poduzetnika iz tog grada. Ovaj sajam je po kapacitetu i po kvalitetu sigurno za 30 posto kvalitetniji nego prethodne godine", ocijenio je Nuhanović u izjavi za

Agenciju Fena. Nuhanović ističe da je na sajmu svoj promotivni štand imao i Fudbalski savez BiH, s ciljem promocije odlaska reprezentacije BiH na Svjetsko prvenstvo u Brazilu. "Na vrijeme smo animirali veliki broj izlagača, na vrijeme su stigle prijave, sve pripreme su odrađene u predviđenim rokovima i imamo razloga za zadovoljstvo", naglašava Nuhanović. Gračnica je organizacijom ovo sajma, ušla u petu sajamsku godinu, još jednog u nizu gračaničkih, a po do sadašnjim ocjenama i državnih privrednih sajmova. Sajam organiziraju firma Boms-Expo i Općina Gračnica, kao glavni partner sajma.

D.K



Sajamske manifestacije...

ODRŽAN 12. SAJAM "LIST 2014" LUKAVAC

- Najuspješniji sajam do sada - Potpisan Sporazum o bratimljenju Lukavca i Ulcinja -



Lukavački sajam, u saradnji sa Općinom Lukavac i Turističkom zajednicom Tuzlanskog kantona, a uz podršku Federalnog ministarstva okoliša i turizma i Vlade Tuzlanskog kantona, organizovala je 12. Lukavački sajam turizma "LIST" 2014, u Lukavcu u terminu od 8. do 10.5.2014. godine. Ocjenjen je kao najuspješniji sajam do sada, a potpisan je i Sporazum o bratimljenju Lukavca i Ulcinja. Lukavac je ovaj put bio centar okupljanja turističkih djelatnika iz 10 zemalja. 125 izlagača i skoro 15 000 učesnika i posjetilaca potvrdili su da je LIST opravdano među najznačajnijim sajamskim manifestacijama u BiH. Uz prisustvo brojnih izlagača, privrednika, predstavnika

vlasti i drugih gostiju, 12. po redu Lukavački sajam turizma LIST svečano je otvorio Bakir Izetbegović, predsjedavajući Predsjedništva Bosne i Hercegovine. Ovogodišnja sajamska manifestacija je održana na 2.000 kvadratnih metara zatvorenog i 1.000 metara kvadratnih otvorenog prostora. Na sajmu se predstavilo 125 izlagača iz Albanije, Crne Gore, Hrvatske, Indonezije, Italije, Mađarske, Njemačke, Srbije, Turske i Bosne i Hercegovine. Premijer Tuzlanskog kantona je obećao podršku ovom sajmu i narednih godina. Izet Nuhanović, direktor Sajma, kazao je da uprkos teškoj ekonomskoj situaciji i nedostatku novca, Lukavački sajam iz godine u godinu opstaje. **"Odlučili smo da se protiv recesije borimo dobrim radom i trudom, a prije svega razvijanjem iskrenih prijateljskih odnosa sa našim gostima i izlagačima. U ova teška vremena nudimo ono najbolje što imamo"**, kazao je Nuhanović. 12. Lukavački sajam turizma bio je prilika i za popisivanje Sporazuma o pobratimljenju između Lukavca i Ulcinja. Tokom svečane večere potpisali su ga Dževad Mujkić, načelnik Općine Lukavac i Fuad Hadžibeti, predsjednik Skupštine Opštine Ulcinj. Tom prilikom potvrdili su da je to rezultat dugogodišnje saradnje i planova za njeno produbljivanje na svim poljima u narednom periodu. **"Tržište BiH je važno za Ulcinj jer zadnjih godina imamo povećanje broja gostiju sa ovog područja. Prošle godine smo imali 25 posto više realizovanih noćenja u odnosu na prethodnu. Mislimo da to nije slučajno, uzimajući u obzir naše sličnosti u kulturi i mentalitetu"**, kazao je Fuad Hadžibeti, predsjednik Skupštine grada Ulcinja. Osim izložbenog dijela na prostoru sajmišta kontinuirano su se dešavali prateći sadržaji koji su gostima upotpunili boravak u ovom gradu. Na Festivalu hrane i pića prezentovano je bogatstvo tradicionalne kuhinje svih krajeva BiH, mladi su se odlično zabavili na koncertu grupe S.A.R.S., medijski djelatnici družili su se i kuhali tokom Novinarske kotlićijade, stručne teme razmatrane su pod zajedničkim nazivom „Baština i tradicija u razvoju turizma", a upriličeno je i više radionica i tematskih susreta. Svi posjetioci učestvovali su u nagradnoj igri, a glavna nagrada bio je LCD TV. Tokom svečanog zatvaranja izvučen je tiket sa brojem 00781. Sretnoj dobitnici Marici Janjić nagradu je uručio predstavnik kompanije Imel. Organizatori Lukavačkog sajma turizma LIST 2014. su Nuhanović d.o.o. i Općina Lukavac. Pokrovitelji su Vlada Federacije BiH, Vlada TK-a, federalno Ministarstvo turizma i okoliša, Turistička zajednica TK-a i Vanjskotrgovinska komora BiH. Glavni sponzor je Tuzlanska Pivara, a pokrovitelj svečane večere je Turistička zajednica Ulcinja. Izlagački prostor za svoje članice, obezbijedila je i Kantonalna privredna komora Tuzla.

ODRŽAN "BIJELJINATURIST 2014"

- Međunarodni sajam turizma i gastrokulture "Bijeljinaurist 2014"-



Ovogodišnji 5. Međunarodni Sajam turizma i gastrokulture „Bijeljina – turist 2014" održan je 25. i 26. Aprila 2014. godine u objektu „Semberski salaš", gdje je svoju ponudu izložilo 100 izlagača. Najveći broj izlagača je došao iz Republike Srpske, Federacije BiH, kao i Srbije, pored toga izlagali su i posjetioci iz Hrvatske, Slovenije i Turske. Učesnici su hotelijeri, turističke organizacije, turističke agencije, privredni subjekti čija je djelatnost vezana za ugostiteljstvo i turizam, te proizvođači zdrave hrane, udruženja koja su predstavila gastro ponudu svojih lokalnih zajednica ili promovišu svoje manifestacije. Svoju bogatu ponudu predstavili su udruženja i pojedinci koji se bave izradom rukotvorina. Drugog dana sajma održana je prezentacija gastrokulture. U ime organizatora sajma

pozdravnu riječ uputio je Jovan Ljubojević, v.d.direktor Turističke organizacije Grada Bijeljina, dok je Sajam svečano otvorio Predrag Jović, načelnik odeljenja za privredu i poljoprivredu. Izlagački prostor za svoje članice, obezbijedila je i Kantonalna privredna komora Tuzla.

D.K.



Iz firme članica Komore...

U RUDARU ISPITIVANJA METODOM GEOFIZIKE



Firma Rudar d.o.o. Tuzla čija je glavna djelatnost izvođenje rudarskih radova u rudnicima uglja, na sajmu ENERGA u Tuzli je predstavila mašine za geološko ispitivanje ležišta metodom geofizike. Kako za eKapija.ba kaže direktor ove firme Asmir Kadrić plan im je u narednoj godini proširiti svoje poslovanje na ovu djelatnost. "Jedini smo u Federaciji registrovani od strane Federalnog ministarstva energije, rudarstva i industrije za tu vrstu geoloških istraživanja. Pored toga želimo raditi i dalje na osuvremenjavanju naših rudarskih radova, izradi rudarskih prostorija, odnosno da unaprijedimo izvođenje rudarskih radova. No sigurnost rudara nam je na prvom mjestu i mi smo među prvima iz ove branše rudarstva koji smo uveli međunarodni standard za zdravlje i sigurnost zaposlenika OHSAS 80000", ističe naš sagovornik. Osim izvođenja rudarskih radova u rudnicima uglja, ostale djelatnosti Rudara su građevinarstvo, mašinsko održavanje rudarske i građevinske opreme i četvrta djelatnost je ugostiteljstvo. "Angažovani smo u rudniku Kreka, Đurđevik,

rudnik Abid Lolić, gdje izvodimo rudarske radove. Saradujemo i sa ostalim rudnicima, ali u manjem obimu. Također radimo u Termoelektrani Tuzla niskoodržavanje i radove na dopremi uglja u postrojenja", ističe Kadrić. Kako je jedna od oblasti kojom se bave i građevina, oni sami prave vlastite objekte. Smješteni su u Tuzli, gdje imaju dvije radne jedinice. Ukupno imaju 600 zaposlenih i oko 120 radnika u Njemačkoj, gdje izvođe radove u tamošnjim rudnicima u konzorciju sa još jednom bh. firmom. Kadrić kaže da su relativno zadovoljni poslovanjem, ali da uvijek može biti bolje. "Kad bi gledali kako je stanje u okruženju i privreda, mi smo zadovoljni. No posao bi bolje išao kada bi došlo do rasterećenje privrede. Ali mi samo očekujemo još veće namete, što će samo otežati i onako teško poslovanje", zaključuje direktor firme Rudar iz Tuzle.

STUDIJA UTICAJA NA OKOLIŠ CEMENTARE BANOVIĆI

Rudarski institut iz Tuzle upravo je završio projekat Studije o uticaju na okoliš Cementare Banovići, a još ih očekuje konačna revizija projekta, nakon čega bi se krenulo u realizaciju. Kako je eKapija.ba već pisala Rudnik mrkog uglja Banovići planira ove godine početi izgradnju tvornice cementa, a ona bi se trebala graditi pored termoelektrane. Na javni poziv za finansiranje i izgradnju termoelektrane Banovići, koji je bio otvoren do 24. aprila 2014. stiglo je 13 ponuda, a trenutno se vrši njihova obrada. Izgradnjom Termoelektrane stvoriti će se preduvjeti i za izgradnju Tvornice cementa kapaciteta cca 600.000 t/god. koja bi zapošljavala cca 350 novih radnika. Sirovinske potrebe za ovu Tvornicu se nalaze u eksploatacionom polju rudnika (visoko kvalitetni materijali lapora), krečnjački materijali sa kamenoloma Vijenac ili novog ležišta u eksploatacionom polju Rudnika, te šljaka i pepeo kao produkt sagorijevanja uglja u Termoelektrani, a koja ima veoma povoljne karakteristike za proizvodnju cementa. Kako za ovaj portal kaže Eldar Pirić, direktor Rudarskog instituta projekat su radili zajedno sa slovačkom projektantskom firmom, koja je inače poznata u cementnoj industriji. **"Pored toga imamo dosta projekata za rudnike. U Banovićima smo završili projekat sa poljskom firmom Copex, a radi se o uvođenju širokog čela u podzemnu eksploataciju rudnika Banovići. Pored toga dosta se radi geoloških projekata, projekata zaštite na radu, studija uticaja na okoliš..."**, kaže za eKapija.ba direktor Rudarskog instituta, gdje je od 75 zaposlenih, preko 60 posto visokostručni kadar, pet doktora nauka i 18 magistara. Institut osim u BiH, radi projekte i van granica. **"Trenutno radimo jedan projekat na Kosovu, a riječ je o ekonomsko- socijalnoj studiji rudnika na Kosovu. Posao smo dobili na međunarodnom tenderu zajedno sa zagrebačkom firmom Institut za energetiku i zaštitu okoliša Ekonerg"** rekao je direktor Pirić. Projekat traje do januara 2015. godine.



KREKINI RUDARI DALI 20% PRIMANJA ZA KOLEGE

Federalni premijer Nermin Nikšić i direktor Elektroprivrede BiH Elvedin Grabovica su posjetili rudnik „Šikulje“ koji je tokom poplava u maju ove godine, koje su zahvatile BiH, pretrpio štetu od oko 25 miliona maraka, javlja bh. novinska agencija Patria. Šteta izazvana poplavama u ovom rudniku, koji upošljava oko 800 radnika, do Nove godine mogla bi narasti za dodatnih 25 miliona maraka, jer uprava neće moći ostvariti zacrtanu proizvodnju, što će itekako umanjiti prihode ovog rudnika. Premijer Nikšić kazao je da će Vlada učiniti sve kako bi proizvodnja u Šikuljama što prije krenula, te da su svakodnevno na vezi sa predstavnicima rudnika. - **Tražimo najbolje rješenje za ovaj kolektiv** - rekao je Nikšić. Elvedin Grabovica, direktor Elektroprivrede BiH kazao je kako već postoji plan sanacije nastalih šteta u rudniku Šikulje. U njegovu realizaciju će se krenuti čim stručnjaci mognu doći do mašina koje su ostale pod vodom. Grabovica je rekao da elektroenergetski sitetem nije ugrožen zbog zastoja u radu rudnika Šikulje, te da zbog ovoga neće doći do poskupljanje struje. Dio rudara iz poplavljenog rudnika dobio je nova zaduženja u ovom kolektivu, dio ih je na godišnjem odmoru a jedan dio poslat je kući na takozvano čekanje dok se situacija u Šikuljama ne stabilizuje. Potvrđeno je kako će se radnici iz rudnika „Kreka“ odreći 20 posto svojih primanja u korist kolega iz rudnika „Šikulje“ tako da su rudarima iz poplavljenog rudnika obezbjeđena primanja i u narednim mjesecima, i to u visini od 80 posto njihove plaće.



D.K.



Vijesti...

**ĐURĐEVİK: DVA DAMPERA
VRIJEDNA 4,6 MILIONA KM**



U RMU Đurđevik u prisustvu dr. Elvedina Grabovice, generalnog direktora JP Elektroprivreda BiH i Senada Sarajlića, izvršnog direktora za proizvodnju, Zijad Rahimić, direktora RMU Đurđevik i Boro Katanić, direktora PREMAR Services AG, Švicarska potpisali su Ugovor o nabavci dva damper kamiona marke BELAZ 75131, nosivosti 136t. Vrijednost investicije JP Elektroprivreda BiH u RMU Đurđevik je 4,6 miliona KM. "Do sada smo u RMU Đurđevik investirali oko 10,7 miliona KM. Cilj investicija je modernizacija rudnika, povećanja produktivnosti, humanizacija i poboljšanja sigurnosti u radu. Protekla godina je bila u znaku investicija u rudnike, dok će 2014. godina biti u znaku završetka procesa njihove dokapitalizacije. U rudnike je do sada uloženo 135 od ukupno planiranih 204 miliona KM, a 70 miliona KM je u procesu nabavke. Uz ulaganja, EPBiH provodi aktivnosti na usaglašavanju akata u rudnicima. Već je izvršeno izjednačavanje toplog obroka i regresa rudara sa radnicima EPBiH", rekao je Grabovica za sarajevski portal klix.ba. Zijad Rahimić, direktor RMU Đurđevik je istakao da je JP Elektroprivreda BiH realizovala oko 80% investicija u RMU Đurđevik. Nova mehanizacija će zamijeniti dotrajalu opremu, povećati kapacitet s ciljem ostvarivanja planirane proizvodnje uglja. Najznačajnije preostale investicije u RMU Đurđevik su utovarivač točkaš, rovokopač – gusjeničar, buldozer, greder i rezervni dijelovi za remont bagera. Boro Katanić, direktor PREMAR Services AG, Švicarska, zastupnika proizvođača dampera Belaz iz Bjelorusije, govorio je na osnovu svog dugogodišnjeg iskustva, o značaju nabavljenih dampera za poboljšanje uslova rada u rudnicima. Damperi će rudarima biti isporučeni u kraćem roku od dogovorenog. Nakon potpisivanja Ugovora, generalni direktor JP Elektroprivreda BiH i izvršni direktor za proizvodnju sa rukovodstvom RMU Đurđevik obišli su površinske kopove RMU Đurđevik i Površinski kop Dubrave RU Kreka. U RU Kreka upriličen je radni sastanak sa novoimenovanim članovima Uprave na čelu sa direktorom Enverom Omazićem.

**SREDSTVA JEDINICAMA LOKALNE
UPRAVE**



Na posljednjoj sjednici Vlade FBiH utvrđen je Nacrt zakona o izdvajanju i usmjeravanju dijela prihoda preduzeća ostvarenih radom termoelektrana. Ovim su javna preduzeća i druge pravne osobe, koje ostvaruju prihod radom termoelektrana, dužni za prostore na kojima su izgrađene termoelektrane ili na kojima se nalaze instalacije za proizvodnju električne energije, odlagališta šljake, pepela i sličnog otpada nastalog radom termoelektrana, te deponije uglja, plaćati novčani iznos naknade jedinicama lokalne samouprave odnosno općinama i gradovima u Federaciji Bosne i Hercegovine u skladu sa odredbama ovog zakona, objavila RTV7 Tuzla. Naknada od 0,003 KM po kilovatsatu proizvedene električne energije se uplaćuje u budžet općine, odnosno grada, na čijem području se nalaze termoelektrane, instalacije ili zemljište na kojem se vrši odlaganje šljake, pepela i sličnog otpada, kao i deponije uglja. Sredstva ostvarena po osnovu ovog zakona vode se na posebnom računu budžeta općina, odnosno grada i koriste se namjenski za poboljšanje životnih uslova građana, stoji u obrazloženju Federalne Vlade. To se, naročito, odnosi na finansiranje ili učešće u finansiranju projekata iz oblasti zaštite okoliša, energetske efikasnosti, izgradnju komunalnih infrastrukturnih objekata, kao i gradnju objekata za poboljšanje zdravlja i kvaliteta života (vodovod, kanalizacija, centralno grijanje, lokalni putevi, mostovi, zdravstveni objekti i oprema), kao i na finansiranje projekata za lokalni ekonomski razvoj.





Iz firmi članica Komore...

"SICON SAS" U MEDICINSKOJ DIJAGNOSTICI

Kompanija Sicon Sas koja se bavi prodajom, instalacijama i servisiranjem sistema neprekidnog napajanja je predstavila sistem neprekidnog napajanja, dizel generatore i uspješno realizovani projekat izgradnje fotonaponske elektrane koja se nalazi na krovu firme u Tuzli. Samir Salković, direktor kompanije Sicon Sas u razgovoru za eKapija.ba portal ističe kako će firma Sicon Sas koja je ovlaštena distributer francuske kompanije SOCOMEC UPS u narednom periodu raditi na unapređenju poslovanja, obučavanju ljudi da što kvalitetnije odgovore potrebama i zahtjevima kupaca, kako uređaja tako i usluga. Što se tiče kapitalnih investicija, Salković kaže kako zbog situacije u državi kapitalne investicije nisu baš sjajna rješenja, tako da će sačekati. Pojašnjava kako rade na novom proizvodu, odnosno na napravi koja će biti nešto novo na našem području.



"Radi se o medicinskoj dijagnostici. Pošto smo dugo godina u elektronskoj industriji prisutni prepoznali smo da možemo raditi i taj dio posla. Upravo smo prošli registraciju firme kod Agencije za lijekove i medicinska sredstva BiH", kaže Salković, naglašavajući kako novi poslovni poduhvati i neće baš imati toliko veze sa elektronikom u kojoj su 20 godina. Prodaja proizvoda je zadovoljavajuća, ali ne i spektakularna, pošto kaže prati ostale infrastrukturne projekte. "Investitori su oprezni kod ulaganja, a državni projekti idu sporo", dodaje Salković. Sicon Sas zapošljava osam radnika, a kvalitet uređaja i osposobljenost kadrova firme prepoznale su mnogobrojne tvornice, institucije, banke i trgovački lanci koji su u proteklim godinama postali kupci njihovih proizvoda i usluga. Uvjereni su da su svi oni koji su Siconu Sas ukazali povjerenje zadovoljni nivoom pruženih usluga, a potvrda takvom uvjerenju je svakodnevno proširenje referentne liste, na kojoj se nalaze: Centralna banka BiH, Euroherc Osiguranje, Hypo Alpe Adria Banka, Centar za srce Tuzla, Domovi zdravlja Sarajevo, Genetički institut Sarajevo, Klinička bolnica Mostar, OBN, Aerodrom Tuzla, Auto put 5C (naplatne kućice, tuneli...), JP Ceste FBiH, Međunarodni Aerodrom Sarajevo, BH Telecom, Disti, Uprava za indirektno oporezivanje Banja Luka, Deling, Elcom, Sisecam Soda, Solvej, Termoelektrana Tuzla, Unioninvestplastika, Lutrija BiH, Konzum, Mercator... Kompanija od strane Slovenačkog instituta za kvalitet i mjeriteljstvo (SIQ) 2000. godine dobila je i certifikat ISO 9001: 2000 za prodaju, instalaciju i servisiranje sistema neprekidnog napajanja i uspješno su prošli sve recertifikacije, a 2008. godine su uspješno prešli na standard ISO 9001:2008.

EKO ŽIVOT GRADI 'ZELENI OTOK' U BUGOJNU



Članovi novog ovlaštenog bh. operatera sistema za postupanje ambalažom i ambalažnim otpadom „Eko život“ iz Tuzle prošle sedmice boravili su u Bugojnu, gdje su sa predstavnicima lokalnih vlasti dogovorili postavljanje tzv. "zelenog otoka" u ovoj općini. Sastanku u Bugojnu, uz predstavnike "Eko života", prisustvovali su Azra Karabeg, pomoćnica načelnika općine Bugojno, Dina Mešan, stručni saradnik za komunalne djelatnosti, Radmila Dundović, komunalni inspektor i inspektor zaštite i okoliša Općine Bugojno, te v.d. Javnog komunalnog društva "Čistoća" Edina Kokić-Čehaja. Tema sastanka bio je pilot projekat koji bi trebao biti realiziran do polovine mjeseca juna, a partneri "Eko života" u njegovoj implementaciji bit će lokalna firma "Eko forma" iz Bugojna, kao i

članovi Javnog komunalnog preduzeća koji će se, također, uključiti u njegovu koordinaciju. Ovaj projekat predviđa implementaciju tzv. reciklažnog dvorišta koje se sastoji od kontejnera za razdvajanje različitog ambalažnog materijala i koje će biti postavljeno u okruženju Kulturno- sportskog centra u Bugojnu. "Radi se o četiri kontejnera u različitim bojama, sa oznakama u koji kontejner se odlaže koja vrsta materijala, a to su papir, plastika, staklo, metal i višeslojna ambalaža", pojasnila je za eKapija. ba Lidija Tomić, direktorica „Eko života“ Cilj ovog projekta je jačanje društvene svijesti o odgovornom zbrinjavanju otpada, kao i podizanje općih ekoloških standarda u Federaciji BiH, te informiranje javnost o značaju sakupljanja, selektiranja i ponovnog iskorištavanja otpada na ekološki najkorisniji i najprihvatljiviji način. Projekat će biti praćen i nizom edukativnih sadržaja. **"Odgovorno postupanje otpadom podrazumijeva preventivno djelovanje na njegovo nastajanje uvođenjem čistijih tehnologija, zatim, njegovo sakupljanje, nakon čega se on selektivno razvrstava, distribuira i prerađuje kako bi se ponovo koristio, energetski iskorištavao i odlagao na propisna mjesta",** napominje Lidija Tomić. Pri tome treba imati u vidu da se otpad dijeli na opasni i neopasni, te je stoga, osim nemjerljivih ekoloških beneficija koje donosi čistija životna sredina, kao i industrijskih i ekonomskih dobiti, primarni razlog ovakvih i sličnih akcija podizanje svijesti građana o savjesnom postupanju i upravljanju otpadnim materijalima, zaštita našeg zdravlja, ali i opće blagostanje. Nakon Bugojna, "Eko život" će posjetiti i mnoge druge gradove u Federaciji BiH, gdje će nastaviti sa novim aktivnostima zbrinjavanja otpada i odgovornog odnosa prema našoj okolini i prirodi uopće.

D.K.

Austrija vodeća u Evropi po zaštiti okoliša...

AUSTRIA SHOWCASE - "ENERGETIKA I ZAŠTITA OKOLIŠA"

- Austrijske firme prezentirale nove tehnologije iz energetike -

Ured Trgovinskog savjetnika Austrijske ambasade u BiH u saradnji sa Privrednom komorom Austrije, organizovao je u Tuzli Austria Showcase na temu "Energetika i zaštita okoliša". Tehnike zaštite okoliša i obnovljive energije u budućnosti bit će posebno brzo rastuća industrijska grana, a Austrija u evropskoj usporedbi zauzima vodeću ulogu po pitanju zaštite okoliša. Mnogo preduzeća prepoznalo je tržišne i izvozne šanse te grane, a tehnologije, koje se mogu upotrijebiti za proizvodnju jeftinije i neutralne energije, zauzimaju visoki položaj u austrijskoj privredi. Dio tih tehnologija prezentirale su firme Voith Hydro GmbH & CoKG, Siemens AG Österreich, INGRA, Tondach, M-U-T i Schiebel. "Austrija ima dugoročna iskustva u tehnologijama zaštite okoliša i energije, čak od sedamdesetih godina prošlog vijeka. Do sada je urađeno dosta istraživanja, te ostvaren evidentan napredak u ovim oblastima. Vjerujemo da će tehnologije koje su naše firme danas prezentirale potencijalnim partnerima, unaprijediti ovu oblast u Bosni i Hercegovini", istakao je Sigmund Nemeti trgovinski savjetnik u Ambasadi Austrije u BiH. U ime domaćih privrednika i izvršne vlasti govorili su Nedret Kikanović, predsjednik kantonalne privredne komore Tuzla i Zvezdan Karadžin, ministar prostornog uređenja i zaštite okolice u Vladi Tuzlanskog kantona.



Edukacija za pisanje projekata

BIGMEV: "PISANJE I IMPLEMENTACIJA INVESTICIJSKIH PROJEKATA"

- Više od 50 učesnika u 4 grada -



Kako bi se privukla pažnja turskih investitora na atraktivne poslovne prilike u Bosni i Hercegovini, obavljena je edukacija za pisanje projekata namjenjena bh. privrednicima. U sklopu projekta koji je pokrenut s ciljem da ojača ekonomiju Bosne i Hercegovine kroz povećanje broja investicija iz Turske, 120 malih i srednjih preduzeća iz BiH je dobilo mogućnost da učestvuju na petodnevnoj edukaciji za pisanje projekata koju su vodili eksperti iz Direkcije za razvoj malih i srednjih preduzeća Turske KOSGEB. Nakon edukacije, učesnici su imali 7 dana da svoje biznis planove dorade i pošalju u digitalnom formatu BIGMEV-u, zatim će projekti biti revidirani i predani na evaluaciju, a projekti koji su zadovoljili sve uslove će biti ponuđeni investitorima u Turskoj. Svi zainteresovani investitori za projekte će biti pozvani u BiH gdje će dobiti mogućnost da se sastanu sa vlasnicima projekata. Edukacija je uspješno održana u Goraždu, Doboju, Brčkom a u Tuzli je domaćin bila Kantonalna privredna komora Tuzla. Do sada je na

edukacijama učestvovalo više od 50 kompanija, prvenstveno malih i srednjih preduzeća koja su uspješno završili svoje investicijske projekte. Predsjednik BIGMEV-a Muzaffer Čilek ističe da je cilj projekta da se formira baza investicijskih i kvalifikovanih projekata koji nude poslovne prilike za turske partnere u BiH. Ovaj projekat, pored BIGMEV-a i Direkcije za dijasporu R. Turske (YTB) su podržali i Agencija za promociju stranih investicija u Bosni i Hercegovini (FIPA), Ministarstvo vanjske trgovine i ekonomskih odnosa Bosne i Hercegovine, Unija komora i berzi Turske TOBB i turska Direkcija za razvoj malih i srednjih preduzeća KOSGEB. Gradovi u kojima je planirano održavanje edukacija su Bihać, Sarajevo, Mostar i Banjaluka.

D.K.




Privredna kretanja - 2014. godina

PRIVREDNA KRETANJA NA PODRUČJU TUZLANSKOG KANTONA ZA PERIOD I – III 2014. GODINE

U martu 2014. godine ostvaren je rast obima industrijske proizvodnje u vrijednosti od 11,6% u odnosu na isti period prošle godine. Prerađivačka industrija ostvaruje rast od 9,6%, vađenje ruda i kamena 6,5% a proizvodnja i snabdijevanje električnom energijom 19,6%.




U prvom kvartalu 2014. godine iz Tuzlanskog kantona ukupno je izvezeno proizvoda u vrijednosti od 268.148.000 KM što je u odnosu na isti period prošle godine rast od 6,10%. U isto vrijeme je došlo do pada uvoza od 9,40% te je uvezeno roba u vrijednosti od 277.936.000 KM. Pokrivenost uvoza izvozom je 96,48%, a u istom periodu prošle godine je bila 82,39%. Vanjskotrgovinski deficit je 9.787.000 KM.



Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija. Prema podacima Federalnog zavoda za zapošljavanje, u martu 2014. godine u Tuzlanskom kantonu je bilo zaposleno ukupno 80.964 osoba. Prerađivačka industrija i trgovina zapošljavaju najviše osoba. U isto vrijeme je registrovano 99.074 nezaposlenih osoba ili 1,3% manje u odnosu na februar 2014. Prema stručnoj spremi, najviše je KV i NKV radnika, a slijede osobe sa srednjom stručnom spremom.

VSS	Broj	VŠS	Broj	SSS	Broj	KV/ VKV	Broj
Ekonomist	996	Nast.raz.nast	200	Gimnazija	3688	Prodavač	6090
Pravnik	764	Ekonomista	94	Mašin.teh	3047	Automehan	2349
Pedagog	349	Pravnik	59	Ekon.tehn.	1978	Bravar	2348
Prof.bosanskog	244	Ekon.služ.	39	Ekon.služ.	1657	Vozač ter.voz.	1513
Prof.fiz.i zdr.kult.	180	Nast.tehn.kult.	22	Hem.tehn.	1203	Kuhar	1480



Prosječna neto plata u Tuzlanskom kantonu iznosi 740,00 KM što je ispod prosjeka Federacije BiH. U odnosu na kantonalni prosjek iz 2013. godine, došlo je do pada neto plaća za 0,1%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom, plinom i vodom, dok su najniže prosječne neto plate u građevinarstvu.

STRUČNA SLUŽBA KOMORE



Novo iz BH Telecoma...

MOJATV BIZ



Usluga Moja TV Biz je namijenjena za poslovne korisnike i uključuje IPTV sadržaje i servise, te mogućnost korištenja usluge neograničenog Internet pristupa. U ponudi su dva MojaTV Biz paketa za poslovne korisnike:

1. MojaTV Biz osnovni paket

- Ovaj paket sadrži osnovni paket sa multimedijalnim sadržajem MojaTV.

2. MojaTV Biz kombinovani paket

- Ovaj paket sadrži osnovni paket sa multimedijalnim sadržajem MojaTV, uz jedan od WLAN Host paketa.

a) MojaTV Biz paket (osnovni paket) + neki od važećih netFlat paketa

b) MojaTV Biz paket (osnovni paket) + neki od važećih WLAN Host paketa

Korisnici koji se odluče na kombinovanu uslugu ponude MojaTV Biz paketa sa nekim od netFlat ili WLAN Host paketa iz važeće ponude, ostvaruju pravo na popust od 5 % na iznos mjesečne naknade za obje korištene usluge. Ovaj popust se ne primjenjuje za obrazovne institucije (škole osnovnog, srednjeg i visokog obrazovanja).

• Sadržaj MojaTV Biz paketa

- minimalno 20 TV kanala SD rezolucije. Trenutno je dostupno 53 TV kanala, EPG (elektronski programski vodič), TimeShift TV, MojaTV igrice, web pristup putem TV prijemnika

• Kome je namijenjena ova usluga?

MojaTV Biz paket mogu koristiti svi poslovni korisnici (pravna i fizička lica, u skladu sa važećim Zakonom o obrtu FBiH), koji bi uslugu koristili u prostorima u kojima obavljaju svoje djelatnosti. To su: firme, tj. korisnici koji uslugu koriste u svojim kancelarijama i drugim radnim prostorijama, u poslovnim zgradama, uslužni objekti kao što su restorani, caffe i sl., različiti objekti koji pružaju zdravstvene, stomatološke ili kozmetičke usluge, prodavnice, obrazovne ustanove, objekti za prihvrat/otpremu putnika (aerodromi, željezničke i autobuske stanice...) i dr.

• Usluga MojaTV Biz nije omogućena:

- rezidencijalnim korisnicima - fizička lica, domaćinstava i sl. Ukoliko pripadate ovoj kategoriji lica, vama je na raspolaganju bogata ponuda MojaTV paketa, hotelima.

• Prednosti usluge za korisnike

- Mogućnost kombinovanja paketa MojaTV Biz sa nekim od netFlat ili WLAN Host paketa iz važeće ponude za pristup neograničenom Internetu, čime ostvarujete: 5% popusta na iznos mjesečne naknade za obje usluge kombinovane na istoj lokaciji/pristupnoj infrastrukturi, jedan mjesečni račun za obje usluge, mogućnost da koristite obje usluge pod svim uslovima, kao u slučaju da koristite usluge odvojeno (funkcionalnosti uključene usluge, npr. mail i web hosting, te performanse, npr. brzina, fer use princip i dr.). Ukoliko pretplatnik MojaTV Biz paketa sa BH Telecomom zaključi Ugovor sa obaveznim trajanjem od 24 mjeseca – u tom slučaju koristi opremu besplatno, tj. oslobođen je plaćanja korištenja terminalne opreme/uređaja. U slučaju da korisnik već posjeduje priključak netFlat/WLAN Host paket, ima mogućnost da na istoj lokaciji, uz već korišteni Internet priključak, aktivira i MojaTV Biz paket. Svi novi korisnici mogu podnijeti zahtjev za instalaciju i MojaTV Biz i Internet priključka.

• Kako konfigurisati uslugu

Za konfiguraciju MojaTV Biz uređaja zaduženi su zaposlenici BH Telecoma.

➤ Podrška korisnicima

➤ Pozivanjem besplatnog kratkog koda 1322, namijenjenog isključivo za poslovna lica, korisnici ove usluge će dobiti namjenske i dobro obučene operatere na prvoj liniji podrške, koji će ponuditi sve tražene informacije vezane za ovu uslugu ili, ukoliko korisnik ima problem sa uslugom, izvršiti osnovnu dijagnostiku eventualnog problema te aplikativno proslijediti smetnju na drugu liniju podrške.

➤ E-mail kanal – svoje upite i druge zahtjeve korisnici mogu slati putem e-maila na adresu: support@bhtelecom.ba.

➤ Facebook kanal - Korisnici MojaTV Biz usluge svoje upite i druge zahtjeve mogu slati putem Facebook kanala podrške:

➤ <https://www.facebook.com/IdemoPrvi>

➤ Kako postati korisnik ove usluge?

Podnošenjem Zahtjeva za uslugu MojaTV Biz paket pretplatniku će biti omogućeno korištenje iste, ukoliko, osim uslova definisanih Uslovima BH Telecoma, budu ispunjeni i tehnički uslovi.

➤ Cijena usluge

Cijena uspostavljanja usluge, cijena mjesečne naknade, kao i svi drugi jednokratni i mjesečni troškovi pretplatnika proizašli korištenjem multimedijalnog paketa usluga, ispostavljaju se na jedinstvenom mjesečnom računu za pruženu uslugu.



➤ **Cijena pristupa KM sa PDV-om:**

- Prvi MojaTV Biz priključak - Jednokratno po priključku /TV prijemniku 70,20
- Drugi i svaki sljedeći MojaTV Biz priključak - Jednokratno po priključku /TV prijemniku 35,10
- **Mjesečna naknada:**

MojaTV Biz paket (Mjesečno po priključku/TV prijemniku)

- a) do 3 priključka - 29,25
- b) od 4 do 10 priključaka - 24,90
- c) preko 10 priključaka - 20,25

- **Napomena:**

- Navedene cijene pristupa usluzi važe u slučaju da korisnik zahtjeva MojaTV Biz priključak odvojeno ili MojaTV Biz priključak na istoj lokaciji u kombinaciji sa postojećim netflat/WLAN Host paketom
- U slučaju da korisnik na istoj lokaciji zahtjeva MojaTV Biz priključak u kombinaciji sa novim netflat/WLAN Host paketom, dodatno se naplaćuje i cijena pristupa za netflat/WLAN Host paket po važećem Cjenovniku
- Obrazovne institucije (škole osnovnog, srednjeg i visokog obrazovanja) ostvaruju pravo na besplatan prvi priključak MojaTV Biz usluge, kao i na dodjelu posebnog popusta u visini od 20% na cijenu mjesečne naknade za korištenje usluge. Dodatno, obrazovne institucije ostvaruju pravo i na besplatno korištenje Moja webTV usluge, uz uslov da pored MojaTV Biz usluge, na istoj lokaciji, koriste neki od xDSL paketa za pristup internetu.
- Ukoliko se, prilikom instalacije MojaTV Biz priključka, na određenoj lokaciji zahtijevaju dodatni radovi i materijal BH Telecoma, pretplatniku će se, pored cijene pristupa obračunati i jednokratni troškovi za dodatne radove i utrošeni materijal.
- Pretplatniku je omogućeno korištenje usluge na više TV prijemnika, ali za svaki TV prijemnik/STB uređaj pretplatnik plaća punu cijenu mjesečne naknade za paket MojaTV Biz.
- Pretplatnik ostvaruje pravo na nižu cijenu mjesečne naknade, pod uslovom da koristi više od tri, odnosno više od deset priključaka MojaTV Biz usluge, na jednoj ili više lokacija, ali uz uslov da se za sve korištene priključke troškovi ispostavljaju na jednoj mjesečnoj fakturi.

- **Važno:** Ukoliko pretplatnik MojaTV Biz paketa sa BH Telecomom zaključi Ugovor sa obaveznim trajanjem od 24 mjeseca – u tom slučaju koristi opremu besplatno, tj. oslobođen je plaćanja korištenja terminalne opreme/uređaja.

➤ **Kanali na MojaTV Biz:**

Travel Channel
FOX Life
National Geographic
National Geographic Wild
SkyNews
24Kitchen
FOX Movies
Bloomberg
JIM JAM
Minimax
Al Jazeera Balkan
Arena Sport 1
Arena Sport 2
Arena Sport 3
Arena Sport 4
Arena Sport HR
MTV
VH 1
+ 35 domaćih kanala!



NLB Nagradna igra



Plaćajte
MasterCard i Maestro
karticama NLB Banke
i osvojite 1 od 10
SMART televizora

NLB  Banka
Znam zašto.